

Na osnovu čl. 15. Zakona o udruženjima i fondacijama Bosne i Hercegovine, ("Službeni glasnik BiH", br. 32/01, 42/03, 63/08 i 76/11), Skupština Udruženja "Zemlja Dinarika" (u daljem tekstu: Udruženje) i Statuta Udruženja „Zemlja Dinarika“ čl. 21., 23. i 27. , na vanrednoj elektronskoj sjednici održanoj dana 06.08.2018. godine, donijela je

PRAVILNIK O ČLANSTVU U UDRUŽENJU „ZEMLJA DINARIKA“

Sadržaj

UVOD	2
PRAVO NA ČLANSTVO	2
ULAZAK U ČLANSTVO	2
ČLANARINA	3
ČLANSKA KARTICA	4
PRESTANAK ČLANSTVA	4
PRAVA, DUŽNOSTI I ODGOVORNOSTI ČLANOVA	5

UVOD

Član 1.

Ovim Pravilnikom se na jedinstven način na teritoriji Bosne i Hercegovine, uređuje članstvo u Udruženju Zemlja Dinarika (u daljem tekstu Udruženje), evidencija članstva, članske kartice, prava i obaveze članova Udruženja, visina članarine, način prikupljanja članarine, utvrđivanje namjene i raspodjele prikupljenih sredstava od članarine, evidencija i kontrola prikupljenih i utrošenih sredstava, koordinacija aktivnosti i druga pitanja od značaja za prava i obaveze članova Udruženja.

PRAVO NA ČLANSTVO

Član 2.

Članom Udruženja mogu postati državljani Bosne i Hercegovine koji prihvate Statut i ciljeve Udruženja.

Članom Udruženja mogu biti i strani državljani koji imaju odobren boravak u Bosni i Hercegovini pod uslovom da prihvate Statut i ciljeve Udruženja, što potvrđuju potpisivanjem pristupnice.

Članom Udruženja mogu postati i pravna lica registrovana u Bosni i Hercegovini, ako prihvate Statut i ciljeve Udruženja, a koja učestvuju u radu Udruženja preko svojih delegiranih predstavnika.

ULAZAK U ČLANSTVO I KATEGORIJE

Član 3.

Članstvo u Udruženju dokazuje se članskom kartom koju izdaje Udruženje.

Za stupanje u članstvo podnosi se pristupnica na propisanom obrascu.

Odluku o prijemu novih članova donosi Skupština jednoglasnom odlukom, na svakoj drugoj redovnoj sejednici.

O prijemu u članstvo odlučuje Skupština.

Do odluke Skupštine, učlanjeni imaju status pridruženog člana Udruženja.

Član 4.

Stalni članovi Udruženja su lica koja su stekla svojstvo člana Udruženja.

Pridruženi član može biti svaka fizička i pravna osoba koja prihvata Statut i ciljeve i djelatnosti Udruženje.

Počasni član Udruženja može postati fizička i pravna osoba, koja je postigla značajne rezultate u promociji ciljeva i djelatnosti Udruženja. Skupština Udruženja donosi odluku o nominovanju Počasnog člana na prijedlog člana Udruženja.

Primljeni član se upisuje u evidenciju članstva i izdaje mu se članska karta.

Pridruženi i počasni članovi se također upisuju u evidenciju pridruženih, odnosno počasnih članova i izdaje im se članska karta sa odgovarajućom oznakom.

Član 5.

Članovi Udruženja mogu biti:

1. Redovni članovi
2. Volonteri
3. Volonterske organizacije
4. Mali poduzetnici i vodiči
5. Poduzetnici u turizmu i drugim djelatnostima

Redovni članovi uživaju prava članstva i koriste usluge Udruženja u smisli bavljenja rekreacijom, sportom, edukacijom i naučno-istraživačkim radom. Udruženje redovnim članovima obezbjeđuje potrebne informacije, edukativne materijale, radi na unapređenju njihove sigurnosti i pruža asistenciju prilikom kontakta sa trećim pravnim ili fizičkim licima. Redovni članovi su obično lica koja obilaze područja Via Dinarice u cilju rekreacije, samousavršavanja ili istraživanja.

Volonteri su članovi Udruženja koji svojim radom doprinese ostvarivanju ciljeva udruženja, posebno uključujući se u aktivnosti na terenu, ali i u druge aktivnosti koje su neophodne za uspješnu realizaciju projekata i funkcionisanje baze Udruženja.

Volonterske organizacije su udruženja i druge organizacije civilnog društva koje djeluju na razvoju i održavanju staza Via Dinarica i druge infrastrukture u skladu sa godišnjim planom Udruženja.

Mali poduzetnici su članovi koji pružaju usluge u ugostiteljstvu i turizmu i tim putem doprinose promociji i širenju vrijednosti Via Dinarica. Udruženje promovira ponudu ovih članova putem svojih kanala i aktivnosti.

Poduzetnici su srednja i veća preduzeca koja pružaju usluge u ugostiteljstvu, turizmu, poljoprivredi, zanatstvu i drugim djelatnostima koja razvijaju brend Via Dinarica i tim putem doprinose promociji i unapređenju imidža ovih prostora. Udruženje promovira ponudu ovih članova putem svojih kanala i aktivnosti.

U svakoj kategoriji udruženja definišu se posebni članski paketi.

ČLANARINA

Član 6.

Članovi Udruženja obavezni su plaćati članarinu na osnovu odluke Skupštine Udruženja kojom se utvrđuje visina i način plaćanja članarine.

Članarina se može nadoknaditi i volonterski radom i angažmanom u radu Udruženja, u skladu sa usvojenim planom i potvrdom odgovornog organa Udruženja.

U svakoj kategoriji članstva definišu se članski paketi:

- Basic - paket sa osnovnim uslugama koje su potrebne članovima;
- Optimum –paket sa setom usluga koje su optimalne većini članova;
- Premium- paket sa setom usluga koje Udruženje može maksimalno pružiti svojim članovima.

Visina članarine se određuje Odlukom o visini i načinu plaćanja članarine koju donosi Skupština Udruženja.

ČLANSKA KARTICA

Član 7.

Članska kartica Udruženja se izdaje u formi i sadržaju koji posebnom odlukom utvrđuje Skupština Udruženja.

Članska kartica ima značaj isprave kojom se dokazuje svojstvo člana Udruženja.

Članska kartica je jedinstvena za svakog člana Udruženja.

Član 8.

Članska kartica sadrži podatke koji se prikupljaju od članova u skladu sa Zakonom o zaštiti ličnih podataka BiH i obavezno sadrži slijedeće podatke:

- prezime/prezimana,
- ime/imena,
- datum rođenja,
- prebivalište ili boravište u BiH,
- datum izdavanja,
- rok važenja,
- naziv Udruženja koje je izdalo člansku karticu,
- pečat i potpis ovlaštenog lica ili jedinstveni elektronski kod.

Odlukom Udruženja iz člana 7. stav 1. ovog Pravilnika odredit će se koji podaci iz stava 1. ovog člana se elektronski obrađuju.

PRESTANAK ČLANSTVA

Član 9.

Članstvo u Udruženju prestaje:

1. Na vlastiti zahtjev, potpisivanjem izjave o istupanju iz Udruženja;
2. Prestankom plaćanja članarine u trajanju dužem od tri mjeseca;
3. Isključenjem u slučaju djelovanja u suprotnosti sa ciljevima i Statutom Udruženja;
4. Smrću člana;
5. Prestankom svojstva pravnog lica.

Član 10.

Svaki član Udruženja može slobodno istupiti iz članstva.

Sa odlukom člana Udruženja o istupanju iz članstva, upoznaje se Predsjednik Udruženja, nakon čega se vrši evidentiranje istupanja.

Član 11.

Isključenje iz članstva se vrši u slučaju kada član Udruženja teže povrijedi odredbe ovog Statuta ili drugih pravila Udruženja ili ako djeluje protivno ciljevima i interesima Udruženja.

Odluku o prestanku svojstva člana udruženja donosi Predsjednik Udruženja.

Lice koje je nezadovoljno odlukom Predsjednika Udruženja, može podnijeti žalbu Skupštini Udruženja u roku od 15 dana od dana prijema odluke.

Skupština razmatra žalbu iz prethodnog stava na prvoj narednoj sjednici i na istoj donosi konačnu odluku.

PRAVA, DUŽNOSTI I ODGOVORNOSTI ČLANOVA

Član 12.

Prava članova Udruženja su:

1. Da biraju organe Udruženja i da u njih budu birani,
2. Da u radu Skupštine učestvuju donošenjem odluka glasanjem,
3. Da daju prijedloge, mišljenja i sugestije,
4. Da učestvuju u radu Udruženja i pokreću inicijative za rješavanje pitanja od interesa za Udruženje,
5. Da aktivno učestvuju u projektima s ciljem razvoja kapaciteta članica i njihovog područja djelovanja;
6. Da koriste brend Via Dinarica u skladu sa pravilnicima i principima inicijative;
7. Da imaju omogućen pristup promovisanja na kanalima platforme Via Dinarica (Via D portal, mobilna aplikacija)
8. Da budu redovno informisani o radu i rezultatima rada,
9. Da u zaštiti svojih prava koriste pomoć Udruženja,
10. Da izvršavaju poslove i obaveze povjerene od strane organa Udruženja,
11. Da predstavljaju Udruženje kad im organi Udruženja to povjere.

Članovi imaju pravu koristiti kapacitete i resurse Udruženja koje se propisuju za kategorije članstva u obimu izabranih članskih paketa kako slijedi:

- Redovni članovi –
 - BASIC paket:
 - Učešće u organizovanim aktivnostima Udruženja;
 - Rezervaciju smještaja i usluga mreže Via Dinarica u zemlji;
 - OPTIMUM paket:
 - Učešće u organizovanim aktivnostima;
 - Rezervaciju smještaja i usluga mreže Via Dinarica u zemlji;

- Upotrebu GPS emitera u cilju sigurnijeg planinarenja;
 - Upotrebu topografskih karata i literature za područje u kojima boravi u svrhu rekreacije, sporta ili istraživanja;
 - PREMIUM paket
 - Učešće u organizovanim aktivnostima;
 - Rezervaciju smještaja i usluga mreže Via Dinarica u zemlji;
 - Upotrebu GPS emitera u cilju sigurnijeg planinarenja;
 - Upotrebu topografskih karata i literature za područje u kojima boravi u svrhu rekreacije, sporta ili istraživanja;
 - Do dva prevoza terenskim vozilom u slučaju nužde (ne spašavanja);
 - Korištenje opreme Udruženja za lične potrebe;
- Mali poduzetnici i vodiči (domaćinstva, samostalni djelatnici i vodiči i biznisi registrirani kao obrt)
 - BASIC paket:
 - Do 3 oglašene ponude / smještajna objekta na platformi viadinarica.com koje samostalno uređuju;
 - Izrada vlastite tipske stranice sa modulom rezervacije;
 - Korištenje opreme Udruženja za grupe do 4 osobe uz najavu.
 - OPTIMUM paket:
 - Do 3 oglašene ponude / smještajna objekta na platformi viadinarica.com koje uređuje administrator stranice;
 - Izrada vlastite tipske stranice sa modulom rezervacije.
 - Oglasni prostor u publikacijama koje izdaje Udruženje do ¼ A4 formata.
 - Korištenje opreme Udruženja za grupe do 8 osoba uz najavu.
 - PREMIUM paket – 200 KM mjesečno.
 - Do 5 oglašanih ponuda / smještajna objekta na platformi viadinarica.com koje uređuje administrator stranice;
 - Izrada vlastite tipske stranice sa više modula i vlastitom domenom.
 - Oglasni prostor u publikacijama koje izdaje Udruženje do ½ A4 formata.
 - Korištenje opreme Udruženja za grupe do 8 osoba uz najavu.
 - Distribucija promotivnog materijala i učešće na sajmovima u organizaciji Udruženja.
- Poduzetnici u turizmu i drugim djelatnostima (firme - agencije, hoteli i sl.)
 - BASIC paket:
 - Do 10 oglašanih ponuda / hotelskog objekta na platformi viadinarica.com koje samostalno uređuju;
 - OPTIMUM paket:
 - Do 20 oglašanih ponuda / hotelskog objekta na platformi viadinarica.com koje uređuje administrator stranice;

- Distribucija promotivnog materijala i učešće na sajmovima u organizaciji Udruženja.
 - Oglasni prostor u publikacijama koje izdaje Udruženje do ½ A4 formata.
- PREMIUM paket:
- Neograničen broj oglašanih ponuda kvalitetno pripremljenog sadržaja na platformi viadinarica.com koje uređuje administrator stranice;
 - Oglašavanje ponude na glavnom baneru viadinarica.com i trail.viadinarica.com;
 - Izrada vlastite tipske stranice sa više modula i vlastitom domenom.
 - Oglasni prostor u publikacijama koje izdaje Udruženje do stranice A4 formata.
 - Korištenje opreme Udruženja uz najavu.
 - Distribucija promotivnog materijala i učešće na sajmovima u organizaciji Udruženja.

Pridruženi i počasni članovi imaju sva prava, osim prava pod tačkom 1. i 2. prethodnog stava.

Član 13.

Članovi Udruženja imaju obavezu da doprinose uspješnoj organizaciji, radu i položaju Udruženja u BiH, afirmišu Udruženje unutar i van BiH, te doprinose jačanju inicijative i aktivnosti Udruženja.

Dužnosti članova Udruženja su:

1. Da učestvuju u aktivnostima Udruženja i razvoju inicijative Via Dinarica u skladu sa svojim kapacitetima i područjem djelovanja,
2. Da savjesno i odgovorno izvršavaju povjerene poslove i zadatke u vezi sa radom i aktivnostima Udruženja,
3. Da propagiraju djelatnost Udruženja, Via Dinarica inicijative, a posebno značaj njenih programskih ciljeva,
4. Da redovno izvršavaju preuzete obaveze prema Udruženju i provode odluke, stavove i zaključke organa Udruženja,
5. Da uredno i na vrijeme izmiruju članarinu u skladu sa odlukom Skupštine Udruženja,;
6. Da se pridržavaju odredbi ovog Statuta,
7. Da informišu organe Udruženja o eventualnom neprimjerenom radu drugih članova Udruženja, a tiču se Udruženja.

Broj protokola:

Tomislavgrad, 06.08.2018. godine

PREDSJEDNIK SKUPŠTINE:

Marija Kovačević